

Broj: 03-04-1024-8/2026
Sarajevo, 17.09.2026. godine

Primljeno: 17-09-2026			
Org. jed.	Broj	Priloga	Vrijednost
0511	- 02 -	427	126

PARLAMENT FEDERACIJE BOSNE I HERCEGOVINE

Predstavnički dom

gosp. Slaven Raguž, poslanik ✓
gosp. Ivan Miličević, sekretar

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva okoliša i turizma, broj: 04-19-866/26 od 11.09.2026. godine, koji sadrži odgovor na poslaničko pitanje, koje je postavio poslanik Slaven Raguž.

S poštovanjem,



SEKRETAR VLADE

dr. sc. Edita Kalajdžić

Prilog: kao u tekstu

7180

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 04-19-866/26
Sarajevo, 11.09.2026. godine

BOSNA I HERCEGOVINA
FEDERACIJA BOSNE I HERCEGOVINE
VLADA
SARAJEVO

VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

PRIMLJENO: 16.09.2026			
Organizaciona jedinica	Klasifikacija	Redni broj	Broj priloga
03-04-1024-8/2026			

Predmet: Odgovor na zastupničko pitanje gosp. Slavena Raguz, zastupnika u Zastupničkom domu Parlamenta Federacije Bosne i Hercegovine

Poštovana,

Vašim aktom broj: 03-04-1024-8/26 od 09.09.2026. godine obratili ste se ovom Federalnom ministarstvu sa zahtjevom za dostavu odgovora na poslaničko pitanje koje je postavio Slaven Raguz, zastupnik u Zastupničkom domu Parlamenta Federacije Bosne i Hercegovine.

Zastupnik Slaven Raguz postavio je sljedeće pitanje:

„Da li je Vlada Federacije BiH, Federalno ministarstvo okoliša i turizma, Federalno ministarstvo poljoprivrede, vodoprivrede ili bilo koja druga federalna institucija, u zakonski propisanom roku, dostavila Državnoj regulatornoj komisiji za električnu energiju (DERK) pisani prigovor ili promjedbu u postupku izdavanja licence za međunarodnu trgovinu električnom energijom kompaniji „EFT HE Ulog“? Ukoliko jest, traži se dostava kopije podneska i dokaza o pravovremenoj predaji. Ukoliko nije, traži se obrazloženje razloga izostanka reagiranja.“

Ovom prilikom obavještavamo Vas da je Federalno ministarstvo okoliša i turizma u dva navrata reagiralo prema Državnoj regulatornoj komisiji za električnu energiju (DERK) povodom najavljenog razmatranja donošenja Odluke o izdavanju privremene licence društvu „EFT HE Ulog“ d.o.o. Kalinovik za djelatnost međunarodne trgovine električnom energijom.

Naime, na osnovu saznanja iz medija da će se na sjednici zakazanoj za 26. august 2026. godine razmatrati donošenje Odluke o izdavanju privremene licence društvu „EFT HE Ulog“ d.o.o. Kalinovik za djelatnost međunarodne trgovine električnom energijom, Federalno ministarstvo okoliša i turizma uputilo je hitan dopis DERK-u u vezi s navedenom tačkom dnevnog reda, sa zahtjevom da se, prije odlučivanja o izdavanju privremene licence, uzmu u obzir pitanja zaštite okoliša, uključujući ranije poduzimane aktivnosti i postupke vezane za HE „Ulog“.

U vezi s navedenim, DERK-u su dostavljeni i zaključci Vlade Federacije BiH, V. broj: 983/2026 od 15.06.2026. godine, doneseni na osnovu Zajedničke informacije o identificiranim potrebama za zaštitu interesa Federacije BiH od posljedica izgradnje HE „Ulog“.

Po primitku očitovanja DERK-a na upućeni akt, a imajući u vidu da je za 9. septembar 2026. godine najavljeno održavanje sjednice DERK-a na kojoj je ponovo predviđeno razmatranje prijedloga predmetne Odluke, Federalno ministarstvo okoliša i turizma je 04.09.2026. godine hitno uputilo urgenciju za postupanje u vezi s donošenjem Odluke o izdavanju privremene licence društvu „EFT HE Ulog“ d.o.o. Kalinovik za djelatnost međunarodne trgovine električnom energijom. U navedenoj urgenciji Ministarstvo je ukazalo na relevantne odredbe Pravilnika o licencama, posebno odredbe koje se odnose na zaštitu okoliša, obavezu podnosioca zahtjeva da dostavi izjavu o usklađenosti sa propisima iz oblasti zaštite okoliša, kao i kriterije koje je potrebno ispuniti za izdavanje licence, te zatražilo provjeru svih relevantnih podataka i razmatranje svih okolnosti od značaja za predmetni postupak prije donošenja konačne odluke.

Kopije dopisa dostavljamo u prilogu, kako biste imali uvid u sve navode i relevantne činjenice na koje je Ministarstvo ukazalo.

S poštovanjem,



Prilozi:

- Dopis Federalnog ministarstva okoliša i turizma, broj: 04-19-358/26-08-26.08.2026. godine;
- Odgovor DERK-a, broj: 05-28-12-198-16/26 od 02.09.2026. godine;
- Urgencija Federalnog ministarstva okoliša i turizma, broj: 04-19-358/26 -1 od 04.09.2026. godine

Dostaviti:

- Naslovu
- Federalno ministarstvo poljoprivrede, vodoprivrede i šumarstva
Hamdije Čemerlića 2, 71000 Sarajevo
- a/a

Po primitku očitovanja DERK-a na upućeni akt, a imajući u vidu da je za 9. septembar 2026. godine najavljeno održavanje sjednice DERK-a na kojoj je ponovo predviđeno razmatranje prijedloga predmetne Odluke, Federalno ministarstvo okoliša i turizma je 04.09.2026. godine hitno uputilo urgenciju za postupanje u vezi s donošenjem Odluke o izdavanju privremene licence društvu „EFT HE Ulog“ d.o.o. Kalinovik za djelatnost međunarodne trgovine električnom energijom. U navedenoj urgenciji Ministarstvo je ukazalo na relevantne odredbe Pravilnika o licencama, posebno odredbe koje se odnose na zaštitu okoliša, obavezu podnosioca zahtjeva da dostavi izjavu o usklađenosti sa propisima iz oblasti zaštite okoliša, kao i kriterije koje je potrebno ispuniti za izdavanje licence, te zatražilo provjeru svih relevantnih podataka i razmatranje svih okolnosti od značaja za predmetni postupak prije donošenja konačne odluke.

Kopije dopisa dostavljamo u prilogu, kako biste imali uvid u sve navode i relevantne činjenice na koje je Ministarstvo ukazalo.

S poštovanjem,



Prilozi:

- Dopis Federalnog ministarstva okoliša i turizma, broj: 04-19-358/26 od 26.08.2026. godine;
- Odgovor DERK-a, broj: 05-28-12-198-16/26 od 02.09.2026. godine;
- Urgencija Federalnog ministarstva okoliša i turizma, broj: 04-19-358/26 -1 od 04.09.2026. godine

Dostaviti:

- Naslovu
- Federalno ministarstvo poljoprivrede, vodoprivrede i šumarstva
Hamdije Čemerlića 2, 71000 Sarajevo
- a/a

Broj: 04-19-358/26
Sarajevo, 26.08.2026. godine

**DRŽAVNA REGULATORNA KOMISIJA ZA
ELEKTRIČNU ENERGIJU (DERK)
Đorđa Mihajlovića 4,
75000 Tuzla Grad**

Predmet: Odluka o izdavanju privremene licence za „EFT HE Ulog“ d.o.o. Kalinovik

Poštovani,

Po osnovu informacija plasiranih putem elektronskih medija došli smo do saznanja da će Državna regulatorna komisija za električnu energiju (DERK) danas, 26.08.2026. godine, na svojoj sjednici razmatrati donošenje Odluke o izdavanju privremene licence za „EFT HE Ulog“ d.o.o. Kalinovik za djelatnost međunarodne trgovine električnom energijom.

Uzimajući u obzir važeće pravne akte koji uređuju postupanje DERK-a u postupku izdavanja licenci, prema kojima je jedan od kriterija koji se uzima u obzir prilikom razmatranja zahtjeva i oblast zaštite okoliša, ukazujemo da, kao resorna institucija, nismo bili uključeni u proceduru razmatranja predmetnog zahtjeva.

Skrećemo pažnju da je, u konkretnom slučaju HE „Ulog“, Federalno ministarstvo okoliša i turizma poduzimalo aktivnosti koje se odnose na proceduru procjene uticaja na okoliš, aktivnosti Sekretarijata Bernske konvencije u vezi sa slučajem HE „Ulog“, kao i aktivnosti u vezi sa skorašnjim radom HE „Ulog“, koji je imao za posljedicu pomor ribe i drugog živog svijeta u rijeci Neretvi o čemu su doneseni i zaključci Vlade Federacije BiH, V.broj: 983/2026 od 15.06.2026. godine po osnovu Zajedničke informacije o identifikovanim potrebama za zaštitu interesa Federacije BiH od posljedica izgradnje HE „Ulog“, koja se dostavlja u prilogu.

U prethodnom periodu, Federalno ministarstvo okoliša i turizma, u dijelu svog zaduženja, je poduzelo aktivnosti i čemu će biti informirana i Vlada Federacije BiH.

S obzirom na navedeno, molimo da prilikom razmatranja nacrtu Odluke o izdavanju privremene licence za „EFT HE Ulog“ d.o.o. Kalinovik uzmete u obzir naprijed navedene činjenice.


S poštovanjem,

Prilog:

- Kao u tekstu

Dostaviti:

- Naslovu,
- Federalno ministarstvo energije, rudarstva i industrije
Alekse Šantića b.b., 88104 Mostar
- Arhiva.



4379

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 04-19-358/26-2
Sarajevo, 19.05.2023.g.

FEDERACIJA BOSNE I HERCEGOVINE
V L A D A
GENERALNI SEKRETARIJAT
n/r sekretara Vlade Federacije BiH
S A R A J E V O

BOSNA I HERCEGOVINA
FEDERACIJA BOSNE I HERCEGOVINE
V L A D A
S P R I J E M

PRIMLJENO	21.05.2023
Grupa	03-04-1219-2/2023
Broj	2109

PREDMET: 3. Zajednička Informacija o identifikovanim potrebama za zaštitu interesa FBiH od posljedica izgradnje HE Ulog (RS) sa prijedlogom zaključaka za Vladu FBiH; dostavlja se

U skladu sa članom 25. Poslovnika o radu Vlade Federacije BiH – Prečišćen tekst "Službene novine Federacije BiH" br.: 6/10, 37/10 i 62/10), u prilogu akta dostavljamo na tri jezika i dva pisma Zajedničku Informaciju Federalnog ministarstva okoliša i turizma i Federalnog ministarstva poljoprivrede, vodoprivrede i šumarstva: "3. Zajednička Informacija o identifikovanim potrebama za zaštitu interesa Federacije BiH od posljedica izgradnje HE Ulog (RS) sa prijedlogom zaključaka za Vladu FBiH".

Aktom 04/2-19-2-456/24 od 14.04.2026.g Federalno ministarstvo okoliša i turizma je Nacrt Informacije sa prijedlogom zaključaka dostavilo Federalnom pravobranilaštvu, Federalnom hidrometereološkom zavodu i Agenciji za vodno područje Jadranskog mora na mišljenje.

Federalno pravobranilaštvo je aktom br. M:23/26-II od 04.05.2026. godine odgovorilo da je njihova primarna obaveza zastupanje FBiH pred sudovima i drugim organima, a nije obavezno prikupljati informacije za projekte, a što bi u konkretnom slučaju bila zakonska obaveza Federalnog ministarstva okoliša i turizma, Federalnog ministarstva poljoprivrede, vodoprivrede i šumarstva te Agencije za vode i zavoda. Po njihovim navodima, navedena ministarstva, na osnovu Zakona o vodama FBiH, Zakona o zaštiti okoliša FBiH, Zakona o vodama RS, mogu samostalno da postupaju i pribavljaju potrebnu dokumentaciju, te provode postupke procjene uticaja na okoliš, pribavljanja dokumentacije i izdavanja okolišnih dozvola, provode postupke upravljanja vodama, u isključivoj nadležnosti ministarstva i drugih organa uprave, te pribavljaju sve potrebne akte.

Federalno pravobraniteljstvo smatra da prijedlog zaključaka prema Vladi FBiH u kojem se zadužuje Federalno pravobraniteljstvo da se aktivno uključi u rješavanje pitanja zaštite interesa Federacije BiH od posljedica izgradnje HE Ulog nije valjan pravni osnov, jer isti nije pravni akt koji rješava izvjesna prava ili obaveze pojedinaca ili pravnih lica u nekoj pravnoj

stvari. Naglašavaju da Federalno pravobranilaštvo obavlja svoju funkciju u skladu sa Zakonom o pravobraniteljstvu, Ustavom i drugim propisima, a ne na temelju zaključaka.

FMOIT i FMPVŠ ostaju pri prethodnim zaključcima, u kojem se Federalno pravobraniteljstvo zadužuje da ukoliko dođe do eventualnog daljeg kršenja režima rada HE Ulog poduzmu odgovarajuće korake u skladu sa svojim nadležnostima, jer su u skladu sa članom 1. Zakona o federalnom pravobraniteljstvu ("Službene novine Federacije BiH", br. 2/1995, 12/1998, 18/2000 i 61/2006) poseban samostalan organ koji preduzima mjere i pravna sredstva radi pravne zaštite imovine i imovinskih interesa Federacije Bosne i Hercegovine. Radom HE Ulog ugrožena je teritorija Federacije i eventualno mogu nastupiti posljedice po i okoliš, ljude i njihovu imovinu.

Molimo da se Informacija sa prijedlogom zaključka uvrsti na dnevni red prve naredne sjednice Vlade Federacije BiH.

S poštovanjem,

MINIST RICA

Za
dr. sc. Nasiha Pozder

N. Pozder

U prilogu: mišljenja:

Federalno pravobranilaštvo: M 23/26-II od 04.05.2026

Agencija za vodno područje Jadranskog mora: broj:10-1/45-1-298-1/26 od 27.04.2026.

Federalni hidrometereološki zavod: broj:01-29-328-1/26 od 28.04.2026.g

Saglasnost Federalnog ministarstva poljoprivrede, vodoprivrede i šumarstva, broj:07-2-21/3-332-1/26 od 15.05.2026.g

III ZAJEDNIČKA INFORMACIJA O IDENTIFIKOVANIM POTREBAMA ZA ZAŠTITU INTERESA FEDERACIJE BiH OD POSLJEDICA IZGRADNJE HE ULOG SA PRIJEDLOGOM ZAKLJUČAKA

Dom naroda Parlamenta Federacije BiH na 12. sjednici od 29.07.2021.g je usvojio Zaključak kojim zadužuje Vladu FBiH i resorna ministarstva da se aktivno uključe u zaštitu entiteta Federacije BiH od posljedica HE Ulog (koji se nalazi u entitetu Republika Srpska), snage 35 MW i sedam manjih hidroelektrana, koji čine hidroenergetski sistem Gornja Neretva.

I Zajednička Informacija Federalnog ministarstva poljoprivrede, vodoprivrede i šumarstva i Federalnog ministarstva okoliša i turizma usvojena od strane Vlade Federacije Bosne i Hercegovine sa zaključkom V. broj: 91/2022:

Nakon što je Vlada Federacije BiH zatražila izjašnjenja resornih ministarstava, pripremljena je u januaru 2021.g. I zajednička Informacija Federalnog ministarstva poljoprivrede, vodoprivrede i šumarstva (FMPVŠ) i Federalnog ministarstva okoliša i turizma (FMOIT) prema Vladi FBiH o identifikovanim potrebama za pokretanje inicijative prema Vijeću ministara BiH za zaštitu interesa Federacije BiH od posljedica izgradnje HE Ulog (RS). Ista Informacija navodi da su „Prve službene informacije o projektu izgradnje HE Ulog, FMPVŠ i FMOIT zaprimili 2009. godini, nakon čega se pisanom korespondencijom u više navrata pokretala inicijativa za osiguranje učešća javnosti u procesima izdavanja vodnih akata iz oblasti voda prema Ministarstvu poljoprivrede, šumarstva i vodoprivrede RS-a. Nadležni organi za vode FBiH nisu nikada dobili traženu dokumentaciju kako bi se iskoristila zakonska odrednica i to odredba člana 129. stav 3. Zakona o vodama RS („Službeni glasnik RS“ br. 50/06, 92/09 i 121/12) koja propisuje da „ukoliko se u postupku donošenja vodopravnog akta, a posebno vodnih smjernica, utvrdi postojanje razloga iz kojih proizlazi da će objekat, instalacija ili predložena aktivnost koja se nalazi ili odvija na teritoriji Republike Srpske imati negativne uticaje na vodne resurse na teritoriji FBiH, nadležni organ RS-a, prije donošenja vodopravnog akta, pribavit će mišljenje nadležnog organa Federacije BiH“.

FMPVŠ se za informacije o aktivnostima na gradnji HE Ulog u 2020. godini obratilo i Ministarstvu poljoprivrede, šumarstva i vodoprivrede RS-a te je u novembru 2020. godine obaviješteno da je 24.12.2012. godine pod brojem 12.07-4695/12 izdata vodoprivredna saglasnost investitoru „EFT-HE“ Ulog. Kompletna korespondencija od 2009. godine između nadležnih organa je dostupna u FMPVŠ.

Uzimajući u obzir raspoložive informacije, postoje opravdane indicije da će:

- gradnja i upotreba HE Ulog imati štetno djelovanje na prostoru općine Konjic u FBiH,
- da nisu urađene opsežna geološka i geotektonska istraživanja, bez kojih postoji opravdana sumnja da izgradnjom ovog objekta može biti ugrožena sigurnost stanovništva i materijalnih dobara nizvodno u dolini Neretve;

- da nisu na adekvatan izvršena hidrološka mjerenja;
- doći do negativnog uticaja nizvodno od visokih vodostaja, te bi za iste bilo potrebno prezentirati sistem planiranja prihvata visokih vodostaja, kako bi se ostvario uravnoteženi prijem visokih voda;
- analiza oscilacija vodostaja kao posljedica rada HE „Ulog“ na nizvodnom profilu i to: po visini u određenim sektorima i vremenu javljanja do Konjica.“

Slijedom navedene Informacije VFBiH donijela je sljedeći zaključak:

1. *Prihvata se Informacija Federalnog ministarstva poljoprivrede, vodoprivrede i šumarstva i Federalnog ministarstva okoliša i turizma o potrebi zaštite interesa Federacije BiH od posljedica izgradnje HE Ulog (RS) i sedam MHE, koji čine hidroenergetski sistem Gornja Neretva.*
2. *Zadužuju se Federalno ministarstvo poljoprivrede, vodoprivrede i šumarstva i Federalno ministarstvo okoliša i turizma da u skladu sa svojim nadležnostima:*
 - *nastave sa aktivnostima iznalaženja načina zaštite interesa FBiH od posljedica izgradnje HE Ulog (RS) i sedam MHE, koji čine hidroenergetski sistem Gornja Neretva;*
 - *od Federalnog pravobranilaštva zatraže mišljenje o načinu i mogućnostima pravne zaštite interesa FBiH od posljedica izgradnje HE Ulog (RS) i sedam MHE, koji čine hidroenergetski sistem Gornja Neretva, u skladu sa njegovim nadležnostima.*

Postupajući po zaključku VFBiH u više navrata je zatraženo mišljenje od Federalnog pravobranilaštva, te je Federalno pravobranilaštvo obavijestilo FMPVŠ aktom broj: M-19/22 od 24.03.2022.g da su dostavili Agenciji za vodno područje Jadranskog mora akt u kojem je navedeno da u skladu sa Zakonom o vodama („Službene novine Federacije BiH“, broj: 70/06), Agencija u okviru ovlaštenja o upravljanju javnim dobrima, ima ovlaštenja i za poduzimanje pravnih sredstava u zaštiti tog javnog dobra. Takođe, istim aktom je navedeno da je potrebno da Agencija dostavi stručno izjašnjenje vezano za navedenu problematiku FMPVŠ i FMOiT, radi daljeg iznalaženja načina zaštite interesa Federacije BiH. Agencija je dostavila odgovor Federalnom pravobranilaštvu da ni nakon cjelokupne korespondencije od 2009. godine sa Ministarstvom poljoprivrede Republike Srpske, nije sudjelovala u postupku izdavanja vodnih akata za projekat HE „Ulog“.

II Zajednička Informacija Federalnog ministarstva okoliša i turizma i Federalnog ministarstva poljoprivrede, vodoprivrede i šumarstva usvojena od strane Vlade Federacije Bosne i Hercegovine sa zaključkom V. broj: 1548/2023

Zajednička informacija FMPVŠ i FMOiT od 30.10.2023. navodi da su „dana 2. 12. 2022.godine, na sastanku Stalne komisije Bernske konvencije usvojene Preporuke u odnosu na Bosnu i Hercegovinu, u kojima se između ostalih navodi da je neophodno „službeno proglasiti „Gornji tok Neretve“ kao osvojeno mrežno stanište Smaragdne mreže. Razviti novu regulativu za režim preostalih voda temeljenu na znanstveno

utemeljenim studijama, budući da je trenutačna regulativa neprikladna. Regulativa treba biti usklađena s ekološkim zahtjevima važnih vrsta poput jadranske pastreve (*Salmo farioides*), riječne krkavice (*Cottus gobio*), riječnog golčića (*Phoxinus phoxinus*), riječne klenice (*Barbatula barbatula*) i eventualno mramorne pastreve (*Salmo marmorata*); Osigurati da se neće provoditi hidropeaking operacije kao obvezni uvjet za puštanje u pogon hidroelektrane (to će se službeno unaprijed utvrditi od strane vlasti). Ako se hidropeaking i dalje provodi, operacija mora biti odmah zaustavljena." Nadalje je naglašeno da je potrebno "Obustaviti izgradnju hidroelektrane Ulog dok se: a. Biro ili stalni odbor ne ocijeni da su preporuke iz stava 1-6 ove preporuke provedene i ispunjene; i, uzimajući u obzir te procjene, ne bude dokazano da se ispunjava član 4. 11 Konvencije. Zabraniti implementaciju hidroenergetskog sustava Gornja Neretva faza I i faza II i povući dodijeljene koncesije zbog dubokog negativnog utjecaja, vrlo dugog dijela gornje Neretve koji je pogođen i dodatnih negativnih kumulativnih učinaka, koji se smatraju nespojivim s ciljevima kandidatske Smaragdne mreže BA0000002. Ukloniti pogođene projekte iz Prostornog plana." Takođe, prema raspoloživim informacijama FMOIT-a u vezi postupka koji se vodi kod Sekretarijata Bernske konvencije 25.10.2021. godine izvršen je inspeksijski nadzor kontrole građenja u dijelu gornjeg toka rijeke Neretve, na lokalitetima predviđenim za građenje malih hidroelektrana iz sistema HES i utvrđeno da se ne izvode nikakvi građevinski radovi niti ima organizovano gradilište.

Dana 12-13. 09 2023. godine, Sekretarijat Stalnog komiteta Bernske konvencije je ponovo razmotrio gore pomenutu žalbu 2020/9: Mogući negativni uticaji izgradnje hidroelektrana na rijeku Neretvu i donio sljedeću odluku "Biro je izrazio žaljenje zbog vijesti koje su potvrdili obje strane da se izgradnja brane Ulog i hidroelektrane (HE) i dalje nastavlja i da nije planirano zaustavljanje, kako je navedeno u tački 7 Preporuke br. 217 (2022). U vezi izjave Vlade da "Izgradnja HE Ulog nije zaustavljena jer se nalazi izvan opsega zaštićenog područja i izgradnja ove elektrane ne ugrožava prirodne vrijednosti važne za proglašenje zaštićenog područja". Biro je podsjetio da je Bosna i Hercegovina dio Bernske konvencije kako bi poštovala međunarodne standarde i ponovno pozvao vlasti zemlje da prate poziv međunarodne zajednice suspenzijom ovog neodrživog projekta. Biro je također primijetio da koncesije još uvijek nisu otkazane za dvije faze hidroenergetskog sustava Gornja Neretva, te da projekt Gornji Horizonti još uvijek traje. Ponovno su pozvali vlasti da prate tačke 8, 10 i 13 Preporuke otkazivanjem ili zabranom ovih projekata. Biro je pozvao nadležne vlasti da ubrzaju, ako je moguće, proces proglašenja Gornjeg toka Neretve kao zaštićenog područja i usvojenog staništa Smaragdne mreže."

Stručnjaci smatraju da se odstupa od zahtjevanog režima rada Hidroelektrane i da je potrebno sprovođenje striktnog protočnog rada HE "Ulog", osiguravajući punu usklađenost s važećom ekološkom dozvolom.

Sljedom navedene Informacije VFBiH donijela je sljedeći zaključak:

- 1. Prihvata se Informacija Federalnog ministarstva okoliša i turizma i Federalnog ministarstva poljoprivrede, vodoprivrede i šumarstva o identifiiciranim potrebama*

za pokretanje inicijative prema Vijeću ministara Bosne i Hercegovine za zaštitu interesa Federacije Bosne i Hercegovine od posljedica izgradnje HE Ulog u Republici Srpskoj i sedam mini hidroelektrana, koji čine hidroenergetski sustav Gornja Neretva.

2. Vlada Federacije Bosne i Hercegovine će informaciju iz točke 1. zaključka uputiti Vijeću ministara Bosne i Hercegovine kao Inicijativu za rješavanje problematike utjecaja gradnje HE Ulog i hidroenergetskog sustava Gornja Neretva na stanje voda i okoliša u Federaciji Bosne i Hercegovine.

3. Za praćenje realiziranja ovog zaključka zadužuju se Federalno ministarstvo okoliša i turizma i Federalno ministarstvo poljoprivrede, vodoprivrede i šumarstva, svatko u okviru svojih nadležnosti.

Fondacija Atelje za društvene promjene-ATC je dostavila akt 26/04-233 od 06.04.2026. godine u kome navode da su istraživanja, koja je sproveo tim eksperata (Singer G. sa Univerziteta u Innsbrucku, Spahić M., Čelebić M.) pokazala da je uzrok masovnog pomora ribe i ostalog živog svijeta koji se desio 12. septembra 2025. god. nezakonit rad Hidroelektrane „Ulog“. Nadalje navode da naučni monitoring i satelitski snimci su potvrdili da HE „Ulog“ radi u zabranjenom vršnom režimu rada (tzv „hydropeaking“) što predstavlja grubo kršenje uslova definisanih u ekološkoj dozvoli kojom je izričito propisan protočni tip rada. Pomenuti proces podrazumijeva iznenadno ispuštanje ogromnih količina vode iz dubljih slojeva akumulacije koji su potpuno bez kiseonika.

Nakon pomora ribe na rijeci Neretvi na području FBiH nizvodno od HE Ulog u septembru 2025.g. Federalno ministarstvo okoliša i turizma je uputilo zahtjev za hitni inspekcijski nadzor Federalnoj upravi za inspekcijske poslove kao i inspekciji Republike Srpske.

U skladu sa aktom br: 24.060/338-129-87-10/25 od 22.10.2025, vodni inspektor PO Inspektorata u Istočnom Sarajevu je Rješenjem 07.10.2025.godine naložio EFT HE Ulog da:

1. ispuštanje vode iz akumulacionog jezera HE Ulog vrši isključivo u skladu sa vodnom dozvolom u smislu člana 142. stav(1) Zakona o vodama RS, Pogonsko uputstvo HE Ulog, verifikovano od Ministarstva poljoprivrede, šumarstva i vodoprivrede Republike Srpske i na način koji isključuje svaki negativan uticaj na životnu sredinu i vodna tijela nizvodno od ispusta te da obezbijedi sadržaj kiseonika u ispuštenoj vodi potreban i dovoljan za održavanje života organizama nizvodno od brane Nedavići

2. Zabranjuje se EFT HE Ulog ispuštanje vode putem temeljnog ispusta. Za eventualno ispuštanje vode na navedeni način, potrebno je EFT HE Ulog obezbijediti posebnu vodnu dozvolu za provođenje navedene aktivnosti.

19.09.2025. godine FMOIT je uputilo dopis prema Vijeću ministara BiH - Molbu za postupanje po zaključku Vlade FBiH iz 2023.g, na koji nikada nije dobijen odgovor.

Prema informacijama kojima raspolažemo, dana 12.09.2025. god u večernjim satima je putem PU Konjic prijavljeno uginuće ribe na rijeci Neretvi u uzvodnom toku. Organizirano je uzorkovanje površinske vode od strane Zavoda za javno zdravstvo Federacije BiH u suradnji s ribarskim udruženjima i tužiteljstvom koje je provedeno na lokacijama Šatori i Krupac 13.9.2025. god. Analizom hidroloških podataka vidljivo je bilo kako je došlo do porasta vodostaja u gornjem toku Neretve uslijed ispuštanja iz akumulacije iz HE Ulog. Prema dostupnim literaturnim podacima i smjericama, te prema zabilježenim sličnim pojavama uginuća riba nakon ispuštanja iz akumulacija u drugim zemljama ovakve pojave se dešavaju kada dođe do ispuštanja donjih slojeva iz akumulacija opterećenih sedimentom i muljem kao i ispuštanja iz donjih slojeva akumulacije u kojima se dešavaju anaerobni procesi razgradnje potopljene biomase, što je posebno izraženo kod novih akumulacija, a koje između ostalog dovodi i do pojave uginuća. Svi prikupljeni podaci su dostavljeni nadležnoj Federalnoj upravi za inspekcijske poslove u na postupanje u skladu s entitetskim zakonima koji reguliraju suradnju inspektora u situacijama kada se incidentno zagađenje iz jednog entiteta prenijelo u drugi entitet.

Aktom Ureda Premijera broj: 01-21-305/26 od 09.04.2026. godine, FMOiT i FMPVŠ je dostavljen zahtjev Fondacija Atelje za društvene promjene - ACT za postupanje povodom masovnog pomora živog svijeta u gornjem toku Neretve. Kako se navodi u zahtjevu, provedena su istraživanja duž 5 km gornjeg toka Neretve nizvodno od HE Ulog. Rezultati su formalno predstavljeni svim institucionalnim nivoima tokom stručne konferencija u parlamentarnoj skupštini BiH održanoj dana 28.11.2025. godine. Navedeni rezultati pružaju dokaze da je masovni pomor živog svijeta u Neretvi direktna posljedica vršnog rada HE „Ulog“. Vršni rad HE „Ulog“ predstavlja grubo kršenje ekološke dozvole kojom mu je dato pravo rada isključivo u protočnom režimu. Navodi se i da su ovakve informacije dodatno potvrđene u otvorenom pismu i izvještaju koji je potpisalo 192 znanstvenika iz cijele Europe.

Takođe, uzimajući u obzir navedeno, kao i činjenicu da upravljanje vodama koje protiču kroz oba entiteta i BD nije legislativno uređeno na državnom nivou, potrebno je da Vijeće Ministara donese pravni ili regulatorni akt, kojim će se uspostaviti osnovni principi, koordiniranje djelatnosti i usklađivanje planova entitetskih institucija u cilju zaštite i održivog korištenja vodnih resursa u BiH.

S tim u vezi predloženi su slijedeći zaključci prema Vladi FBiH:

PRIJEDLOG ZAKLJUČAKA ZA VLADU FBiH

1. Vlada Federacije BiH usvaja Zajedničku Informaciju Federalnog ministarstva okoliša i turizma i Federalnog ministarstva poljoprivrede, vodoprivrede i šumarstva o identifikovanim potrebama za zaštitu interesa Federacije BiH od posljedica izgradnje „HE Ulog“ (Republika Srpska).
2. Vlada Federacije BiH zadužuje Federalno ministarstvo okoliša i turizma i Federalno ministarstvo poljoprivrede, vodoprivrede i šumarstva da formiraju Ekspertski tim koji će analizirati podatke dobijene od nadležnih institucija i drugih istraživanja i pripremiti dokument „Analiza uticaja HE Ulog na teritoriju FBiH, sa prijedlogom mjera“.
3. Vlada FBiH zahtijeva od Ministarstva građenja, prostornog uređenja i ekologije Republike Srpske da pojača mjere nadzora kako bi hidroelektrana Ulog poštovala uslove ekološke dozvole i striktno protočni režim rada, te kontinuirano dostavlja podatke Vladi Federacije BiH o monitoringu u okviru akumulacije.
4. Ekspertski tim će navedeni dokument, iz tačke 2., putem nadležnih ministarstava, dostaviti Federalnom pravobranilaštvu radi eventualnog pokretanja postupka protiv pravnog lica „EFT-HE“ Ulog“, a radi zaštite interesa Federacije BiH.
5. Vlada Federacije BiH upućuje Inicijativu Vijeću ministara BiH i Ministarstvu vanjske trgovine i ekonomskih odnosa BiH da pripremi i usvoji Odluku Vijeća ministara o unaprijeđenju međuentitetske saradnje i Brčko distrikta, uspostavom osnovnih principa, koordiniranjem djelatnosti i usklađivanju planova entitetskih institucija u cilju zaštite i održivog korištenja vodnih resursa u BiH.
6. Vlada Federacije BiH zadužuje Federalno ministarstvo okoliša i turizma, Federalno ministarstvo poljoprivrede, vodoprivrede i šumarstva i Federalno pravobranilaštvo da informaciju o poduzetim aktivnostima po ovim zaključcima dostave Vladi FBiH u roku od 3 mjeseca od dana donošenja zaključaka.
7. Ovaj Zaključak stupa na snagu danom donošenja.

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-04-1219-2/2023
Sarajevo, 22.06.2026. godine

Priloga:		
Org. jed.	22.06.2026	Priloga
04-19-358 / 26		

FEDERALNO MINISTARSTVO OKOLIŠA I TURIZMA
gđa. Nasiha Pozder, ministar

FEDERALNO MINISTARSTVO POLJOPRIVREDE, VODOPRIVREDE I ŠUMARSTVA
gosp. Kemal Hrnjić, ministar

FEDERALNO PRAVOBRANILAŠTVO
gosp. Jakov Dujić, pravobranioc

Poštovani,

U prilogu Vam dostavljam Zaključak Vlade Federacije Bosne i Hercegovine, V. broj: 983/2026 od 15.06.2026. godine, koji je Vlada Federacije Bosne i Hercegovine donijela na 70. sjednici, održanoj 15.06.2026. godine.

S poštovanjem,



SEKRETAR VLADE

dr. sci. Edita Kalajdžić

Prilog: Kao u tekstu

SECRET
100-100000

SECRET
100-100000

SECRET
100-100000

SECRET
100-100000

SECRET
100-100000

SECRET
100-100000

SECRET
100-100000

SECRET
100-100000

SECRET
100-100000

SECRET
100-100000

SECRET
100-100000

SECRET
100-100000

SECRET
100-100000

SECRET
100-100000

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 70. sjednici, održanoj 15.06.2026. godine, donosi

ZAKLJUČAK

1. Vlada Federacije BiH usvaja Zajedničku Informaciju Federalnog ministarstva okoliša i turizma i Federalnog ministarstva poljoprivrede, vodoprivrede i šumarstva o identifikovanim potrebama za zaštitu interesa Federacije BiH od posljedica izgradnje „HE Ulog“ (Republika Srpska).

2. Vlada Federacije BiH zadužuje Federalno ministarstvo okoliša i turizma i Federalno ministarstvo poljoprivrede, vodoprivrede i šumarstva da formiraju Ekspertski tim koji će analizirati podatke dobijene od nadležnih institucija i drugih istraživanja i pripremiti dokument „Analiza uticaja HE Ulog na teritoriju FBiH, sa prijedlogom mjera“.

3. Vlada FBiH traži od Ministarstva građenja, prostornog uređenja i ekologije Republike Srpske da pojača mjere nadzora kako bi hidroelektrana Ulog poštovala uslove ekološke dozvole i striktno protočni režim rada, te kontinuirano dostavlja podatke Vladi Federacije BiH o monitoringu u okviru akumulacije.

4. Ukoliko dokument iz tačke 2. dokaže negativan uticaj, Ekspertski tim će isti dostaviti putem nadležnih ministarstava Federalnom pravobranilaštvu radi razmatranja uslova pokretanja postupka protiv pravnog lica „EFT-HE“ Ulog, a radi zaštite interesa Federacije BiH.

5. Vlada Federacije BiH upućuje Inicijativu Vijeću ministara BiH i Ministarstvu vanjske trgovine i ekonomskih odnosa BiH da pripremi i usvoji Odluku Vijeća ministara BiH o unaprijeđenju međuentitetske saradnje i Brčko distrikta, uspostavom osnovnih principa i usklađivanjem planova entitetskih institucija u cilju zaštite i održivog korištenja vodnih resursa u BiH.

6. Vlada Federacije BiH zadužuje Federalno ministarstvo okoliša i turizma, Federalno ministarstvo poljoprivrede, vodoprivrede i šumarstva i Federalno pravobranilaštvo da informaciju o poduzetim aktivnostima po ovim zaključcima dostave Vladi FBiH u roku od 3 mjeseca od dana donošenja zaključka.

7. Ovaj zaključak stupa na snagu danom donošenja.

V. broj: 983 /2026
15.06.2026. godine
Sarajevo





Broj: 05-28-12-198-16/26
Tuzla, 2. 9. 2026. godine

Priljeno: 03-09-2026		
Org. jed.	Broj	Priloga
04	19-358	26

FEDERALNO MINISTARSTVO OKOLIŠA I TURIZMA

Predmet: Izdavanje privremene licence za djelatnost međunarodne trgovine električnom energijom za "EFT HE Ulog" d.o.o., Kalinovik
Veza: Vaš akt broj 04-19-358/26 od 26. augusta 2026. godine

Poštovani,

Povodom vašeg akta pod gore navedenim brojem i datumom, kojim ukazujete da Federalno ministarstvo okoliša i turizma nije bilo uključeno u proceduru razmatranja zahtjeva pravnog lica "EFT HE Ulog" d.o.o., Kalinovik, za izdavanje licence za obavljanje djelatnosti međunarodne trgovine električnom energijom, želimo vas obavijestiti o sljedećem:

Predmetni zahtjev Državnoj regulatornoj komisiji za električnu energiju podnijet je 29. juna 2026. godine. Shodno postupku koji je propisan Pravilnikom o licencama – Prečišćeni tekst ("Službeni glasnik BiH", broj 63/16), DERK je 9. jula 2026. godine objavio obavijest za javnost u tri dnevna lista koja se distribuiraju na području cijele Bosne i Hercegovine i na svojoj internet stranici. U obavijesti je sumiran zahtjev za izdavanje licence, pozvana su zainteresirana lica na podnošenje zahtjeva za sticanje statusa umješača u ovom postupku do 16. jula 2026. godine, te je pozvana i javnost da do istog datuma DERK-u dostavi svoje komentare ili da izvrši uvid u podneseni zahtjev i prateću dokumentaciju. U ostavljenom roku DERK-u takvi zahtjevi nisu podneseni.

Nepostojanje iskazanog interesa za učestvovanje u ovom postupku u svojstvu umješača ili za dostavljanje komentara od strane javnosti, dalo je dovoljno osnova DERK-u da utvrdi Nacrt odluke o izdavanju privremene licence za djelatnost međunarodne trgovine električnom energijom. Nakon utvrđivanja Nacrta odluke, ponovo je u tri dnevna lista i na internet stranici DERK-a objavljena obavijest o održavanju opće javne rasprave u ovom postupku, uz poziv zainteresiranim licima da izvrše neposredan uvid u Nacrt odluke u prostorijama DERK-a ili da ga preuzmu s internet stranice, te da svoje komentare iznesu na općoj javnoj raspravi koja je održana 30. jula 2026. godine ili iste dostave pisanim putem do 31. jula 2026. godine. Ni po ovom pozivu uopće nije bilo zainteresiranih lica za bilo koji vid učestvovanja u ovom postupku. Ponovni izostanak interesa opće ili stručne javnosti za ovaj postupak dao je dovoljno osnova za stav da se razmatranje Prijedloga odluke o izdavanju privremene licence za obavljanje međunarodne trgovine električnom energijom i njeno donošenje može uvrstiti na dnevni red redovne sjednice DERK-a.

Međutim, neposredno prije početka zakazane sjednice 26. augusta 2026. godine, DERK-u je dostavljen dopis Federalnog ministarstva okoliša i turizma sa pratećom dokumentacijom kojim se ističe da Ministarstvo, kao resorna institucija, nije bilo uključeno u postupak, uz navode da su poduzimane aktivnosti koje se odnose na proceduru procjene utjecaja na okoliš. Imajući u vidu činjenicu da zbog zakazane sjednice na kojoj je predviđeno razmatranje i drugih tačaka dnevnog reda, nije postojala mogućnost za analizu dopisa Federalnog ministarstva i prateće dokumentacije, tačka koja se odnosila na izdavanje privremene licence pravnom licu "EFT HE Ulog" d.o.o., Kalinovik, povučena je s dnevnog reda.

Kada je u pitanju predmetni postupak, treba imati u vidu da je DERK-u podnesen zahtjev za izdavanje licence za obavljanje djelatnosti međunarodne trgovine električnom energijom. Preduvjet za izdavanje ove licence od strane DERK-a je posjedovanje odgovarajuće licence entitetske regulatorne komisije. U postupku odlučivanja po podnesenom zahtjevu, DERK je utvrdio da pravno lice "EFT HE Ulog" d.o.o., Kalinovik, posjeduje Dozvolu za obavljanje djelatnosti proizvodnje električne energije broj 01-1515-04-1/123/25 (sa pripadajućim Uvjetima dozvole), koja je izdata Rješenjem Regulatorne komisije za energetiku Republike Srpske (RERS) broj 01-1515-8/24/R-127-129 od 5. marta 2025. godine na period od pet godina. Navedena Dozvola izmijenjena je 27. novembra 2025. godine donošenjem Rješenja broj 01-1586-8/25/R-155-1278, čime je navedena Dozvola, pored ranije Hidroelektrane "Ulog" instalirane snage 35,14 MW, uključila i Malu hidroelektranu "Ulog" instalirane snage 194 kW.

"EFT HE Ulog" d.o.o., Kalinovik, započeo je komercijalni rad nakon izdavanja dozvole RERS-a, odnosno mnogo prije podnošenja zahtjeva DERK-u za izdavanje licence za međunarodnu trgovinu električnom energijom. Prema dnevnim i mjesečnim podacima koje DERK-u dostavlja Nezavisni operator sistema u Bosni i Hercegovini, navedeno pravno lice tokom 2025. i 2026. godine obavljalo je djelatnost proizvodnje i prodavalo proizvedenu električnu energiju u Bosni i Hercegovini.

Stoga, proizvodnju električne energije i njenu prodaju u Bosni i Hercegovini "EFT HE Ulog" d.o.o., Kalinovik, može nastaviti obavljati neovisno o ishodu postupka pred DERK-om. Dakle, DERK na bilo koji način svojim postupanjem, pa čak ni odbijanjem konkretnog zahtjeva za izdavanje licence za međunarodnu trgovinu električnom energijom, ne može utjecati na tu činjenicu. Licenca DERK-a za međunarodnu prodaju električnom energijom omogućila bi konkretnom pravnom licu neposrednu prodaju električne energije van Bosne i Hercegovine. Međutim, za sve navode o negativnim implikacijama ovog proizvodnog objekta na okoliš, u potpunosti je irelevantno mjesto prodaje, jer krajnja geografska lokacija plasiranja proizvedene količine električne energije zavisi od daljnjih trgovačkih transakcija na veleprodajnom tržištu u Bosni i Hercegovini i u regiji. Naime, ako negativan utjecaj postoji, on će i dalje biti prisutan neovisno o tome da li je prva prodaja proizvedene električne energije u konkretnoj hidroelektrani izvršena u Bosni i Hercegovini ili inostranstvu.

Nadalje, s obzirom na to da navodite da je jedan od kriterija koji je DERK dužan uzeti u obzir prilikom razmatranja zahtjeva i oblast zaštite okoliša, želimo potvrditi da zaštita okoliša jeste jedan od općih kriterija koje DERK uzima u obzir pri izdavanju svih licenci iz svojih nadležnosti. Međutim, ne pronalazi se poveznica između prodaje već proizvedene električne energije van Bosne i Hercegovine i utjecaja na okoliš. Ni vaše obraćanje ne sadrži takve poveznice. Eventualne implikacije na okoliš u ovom slučaju proizlaze iz djelatnosti proizvodnje električne energije, ali je djelatnost proizvodnje električne energije kako u Federaciji Bosne i Hercegovine, tako i u Republici Srpskoj,

izvan okvira zakonom definirane nadležnosti DERK-a. Tome u prilog idu i činjenice da važećim pravilima i propisima DERK-a, uz zahtjev za izdavanje licence za djelatnost međunarodne trgovine električnom energijom, nije predviđeno dostavljanje okolišnih (ekoloških) dozvola, vodnih akata i drugih akata kojima se odobrava gradnja i rad postrojenja koja utječu na okoliš.

S druge strane, pribavljanje navedenih dozvola (ekoloških, vodnih i sl.) od nadležnih ministarstava Republike Srpske jeste uvjet za izdavanje dozvole RERS-a za proizvodnju električne energije, shodno članu 20. stav 1. tačkama d) i đ) Pravilnika o izdavanju dozvola ("Službeni glasnik Republike Srpske", broj 75/21) koji je donijela Regulatorna komisija za energetiku Republike Srpske. Stoga, ukoliko je pred nadležnim sudom osporeno rješenje resornog Ministarstva Republike Srpske o izdavanju ekološke dozvole pravnom licu "EFT HE Ulog" d.o.o., Kalinovik, te eventualno podnesen i usvojen zahtjev za određivanje privremene mjere ili odgodu izvršenja rješenja u skladu s propisima o upravnom sporu Republike Srpske, takve činjenice su pravno relevantne za daljnju pravnu valjanost Dozvole RERS-a za obavljanje djelatnosti proizvodnje električne energije.

Imajući u vidu naprijed navedeno, bez bilo kakvog osporavanja do sada izvršenih procjena utjecaja na okoliš, te analiza i aktivnosti međunarodnih ili institucija u Bosni i Hercegovini na ovom planu, ponovo naglašavamo da postupak koji se vodi pred DERK-om po zahtjevu pravnog lica "EFT HE Ulog" d.o.o., Kalinovik, nema i ne može imati nikakve implikacije na pravne i druge radnje i aktivnosti poduzete u vezi procjene utjecaja konkretnog proizvodnog objekta na okoliš, niti na činjenice koje se utvrde tokom te procjene.

S poštovanjem,



Predsjedavajući Komisije

Dr. sc. Milenko Tomić

Kopija:

- "EFT HE Ulog" d.o.o., Kalinovik
- Regulatorna komisija za energetiku Republike Srpske

Broj: 04-19-358/26-1
Sarajevo, 04.09.2026. godine

**DRŽAVNA REGULATORNA KOMISIJA ZA
ELEKTRIČNU ENERGIJU (DERK)**
Đorđa Mihajlovića 4,
75000 Tuzla Grad

Predmet: Urgencija za postupanje, Odluka o izdavanju privremene licence za „EFT HE Ulog“ d.o.o. Kalinovik, dostavlja se –
Veza: Vaš akt broj: 05-28-12-198-16/26

Poštovani,

Slijedom našeg ranijeg akta broj: 04-19-358/26 od 26.08.2026. godine, kojim smo uputili reakciju u vezi sa prijedlogom za razmatranje donošenja Odluke o izdavanju privremene licence za „EFT HE Ulog“ d.o.o. Kalinovik za obavljanje djelatnosti međunarodne trgovine električnom energijom, te zaprimljenog očitovanja Državne regulatorne komisije za električnu energiju (DERK) na isti, ovim putem ponovo ukazujemo na relevantne odredbe Pravilnika o licencama (prečišćeni tekst), objavljenog u „Službenom glasniku BiH“ broj 63/16, od 26.08.2016, a dostupnog na web stranici DERK-a, i to:

- odredbu člana 2. (Definicije) - 'Obaveza javne usluge' označava obavezu energetske subjekata da određene energetske djelatnosti obavljaju kao javnu uslugu dostupnu svim kupcima na određenom području uz ispunjavanje određenih standarda koji se mogu odnositi na sigurnost, kontinuitet i kvalitet snabdijevanja, cijene isporuke, zaštitu okoline, uključujući energetske efikasnost, proizvodnju iz obnovljivih izvora i klimatske promjene;
- odredbu Poglavlja IV - Sadržaj zahtjeva za izdavanje licence, Član 18. (Osnovni dokumenti) stav (1) alineja (I), kojom je propisana obaveza dostavljanja Izjave o statusu usklađenosti sa svim propisima u vezi sa zaštitom okoline i provođenju istih;
- odredbe Poglavlja V - Kriteriji za izdavanje licence, Član 26. (Opći kriteriji) stav (1) alineja (c) i stav (2) alineja (b), kojima su definirani opći i drugi kriteriji koje podnosioc zahtjeva mora ispuniti, odnosno za koje mora priložiti odgovarajuće dokaze.

Imajući u vidu da je na web stranici DERK-a najavljeno održavanje 358. redovne sjednice za 9. septembar 2026. godine, na kojoj je ponovo predviđena ista tačka dnevnog reda, posebno ukazujemo i na odredbu člana 9. (Zahtjevi za dodatnim informacijama) kojom je propisano da u postupku utvrđivanja činjenica o ispunjavanju uvjeta propisanih za izdavanje licence DERK ima pravo provjeriti sve podatke, te po potrebi izvršiti pregled objekata, postrojenja i opreme, dokumentacije, kao i tražiti dodatne informacije u bilo kojem trenutku od podnošenja zahtjeva do donošenja konačne odluke o zahtjevu, kao i u periodu važenja licence.

U tom smislu, ponovo ukazujemo i apelujemo na neophodnost razmatranja aktivnosti i postupaka koji su prethodili donošenju zaključaka Vlade Federacije Bosne i Hercegovine, o čemu smo vas već izvijestili našim aktom broj 04-19-358/26 od 26.08.2026. godine.

Naime, iz zaprimljenog očitovanja DERK-a nije vidljivo da su u postupku razmatranja našeg prethodnog akta uzete u obzir konkretne primjedbe i činjenice na koje smo ukazali, niti je vidljivo na koji način su iste provjerene u okviru utvrđivanja činjenica relevantnih za ispunjavanje uvjeta za izdavanje predmetne licence.

Slijedom navedenog, a imajući u vidu odredbe Pravilnika o licencama koje DERK-u daju ovlaštenje i obavezu da, u cilju potpunog utvrđivanja činjenica, provjeri relevantne podatke i po potrebi zatraži dodatne informacije i dokumentaciju, ponovo ukazujemo na potrebu da se navedene okolnosti razmotre prije donošenja konačne odluke po predmetnom zahtjevu.

S poštovanjem,



Dostaviti:

- Naslovu,
- Federalno ministarstvo energije, rudarstva i industrije
Alekse Šantića b.b., 88104 Mostar
- Arhiva.